

玄覽堂叢書

第八十四冊

文苑英華

卷之七十四

刑部等衙門爲

開讀事欽奉正德十六年四月



詔書內一款江西并各處地方先因宸濠反逆事敗及因人告報謀反  
妖言等項事情一時追捕餘黨急於撲滅不暇審辯未免有跡涉  
疑似被誣逮繫者經該問刑衙門務要嚴加詳審果係誣枉即與釋  
放若係逼脅負順從者問擬明白奏請定奪無得寬抑淹禁又一款見監  
與宸濠謀反事情有干正德十四年就陣擒獲及續拿人犯三法司錦  
衣衛先行查問明白其真正共謀逆賊并臨時脅從及先年交通不曾  
與謀者各依律議擬應得罪名并會同多官覆審相同具奏定奪毋  
致輕縱冤枉欽此續該司禮監太監常壽傳奉

聖旨說與三法司錦衣衛知道各衙門見監輕重罪囚或因領兵官員追

捕餘黨被誣逮繫或因原問官員鍛鍊成獄拘泥文案多有冤抑致傷和氣上干

天變朕心憂惻便着多官查照詔旨從公會審分別輕重等第明白奏未定奪不許仍前冤枉欽此欽遵會問得犯人一名劉吉年五十三歲係江西撫州府臨川縣民狀招吉自幼私自淨身投入寧府收充火者歷陞任承奉先年寧府原有護衛後因不法革改南昌左衛弘治十一年有今死宸濠襲封寧王正德二年間宸濠要復護衛差已故內官梁安賄通逆瑾朦朧奏討准復改爲護衛正德五年八月內逆瑾事敗仍革爲南昌左衛訖有宸濠因愛在官樂人秦榮質美會唱爲伊奏討樂官伊就不合因而出入宮闈撥置行事後宸濠恣肆妄爲意生不軌常請已故術士李自然等推命相面妄稱伊有

天子分又招已故術士李日芳等看得本省城內東南有天子氣穴  
就蓋陽春書院僭號離宮時去遊樂又將西山地名青嵐

先朝禁革龍口舊穴葬母俱要當其氣又暗蓄姦謀誣陷

宗室打死軍民不計其數每年指收祿米違例每石折銀二兩過限倍  
徵訪知先任江西按察使鄭岳要行劾奏就暗行與伊有讐言今罷  
閑未到本司副使李夢陽不合依聽將跟隨鄭岳門子劉奉送府  
拷打逼供無名賊私奏陷鄭岳為民正德九年正月內宸濠要行謀  
逆密與吉并在官承奉徐欽典寶等官熊綬黃瑞在逃陳賢已  
故萬銳致仕都御史李士實舉人王春典伏徐紀校尉盧孔章趙  
隆及秦榮商議要先謀復護衛方好整備軍馬圖謀天下就假  
以地方盜賊生發為名借指

祖訓粧飾成本因見已處決都督錢寧投爲

朝廷義子專權亂政已發遣樂官臧賢出入內府另起見監太監張雄管  
掌司禮監事任官太監商忠少監盧明俱爲張雄心腹朋黨用事  
教坊司樂工晉良先年投任本府教演小幼彈唱素與臧賢情熟  
就差晉良隨同涂欽萬銳盧孔章趙隆徐紀齎本赴京謀幹先將  
銀五百兩與晉良托伊將銀五千兩引送臧賢又將銀四百兩與伊已  
發遣女婿施鉞司鑑求爲打點就托臧賢將銀一萬兩送與錢寧各  
不合接受又送商忠盧明各銀五百兩托伊引送張雄銀三千兩寶  
石廂帶一條彼因另起見監太監張銳坐殿行事恐伊阻撓亦將銀  
三千兩托臧賢過送與伊亦不合知情接受入已宸濠又因彼時見任  
兵部尚書在官陸完曾任江西按察使往來交厚亦令余欽盧

孔章將金臺盤一付重十兩段四足饋送央伊扶持陸完亦不合接受  
許允余欽等方將前本奏行兵部彼有陸完於查覆本內雖稱難  
將該衛再復却不合又稱寧王以

太祖典章爲言合行會議具本覆奏有錢寧張雄臧賢各因得受重  
賄不合共爲欺罔傳批

勅書到府有本衛指揮千百戶等官已故王信等正嫌平日三司轄制各喜  
入府得以倚勢行事有宸濠得遂奸計爲惡日甚彼先任江西按  
察司副使胡世寧舉奏宸濠聞知捏情具本令余欽等赴京將胡  
世寧誣害就齎帶銀兩饋送錢寧三千兩張雄一千兩盧明三百  
兩各不合接受扶同將胡世寧蒙蔽具奏誣陷遼東克軍彼  
因在官少監秦用趙秀俱在司禮監文書房辦事曾打探消

息亦各將銀一百兩送伊等各不合接受訖以後宸濠愈加恣肆故行羅織撫按三司等官非禮鉗制使皆吞氣隱忍不敢非議又密令吉等招引慣熟武藝強賊在官楊清未獲李甫王儒等百有餘人入府號稱把勢及招素在鄱陽湖打劫已故賊首楊子喬等率領賊徒令與楊清等各不合依允合夥不時出外劫財入府分受正德十年三月內宸濠謀要舉兵須得軍師方能濟事訪知安福縣已故舉人劉養正素有才學多讀兵書隱情差未獲審理蕭宗瀛前去招請到府有宸濠因與講論宋時陳橋之變有劉養正就不合贊稱宸濠有撥亂之才當受賞銀五百兩密約待時舉事有吉涂欽萬銳黃瑞陳賢已故內官陳學涂未去指揮王信王麒在官儀賓李世英已故張高校尉火信林華等各

思宸濠舉事用費浩大各不合多方設計謀爲聚財招納姦  
人投獻田產強占官稅倚勢販賣私鹽胡椒蘇木等貨攤放官  
本稻穀加倍取利假代兌軍多收銀兩重科夫價軍民遭害且端  
正德十一年二月內有今死瑞昌王祺祺將置買田地投獻宸濠加  
租被佃戶魏志英抗違不納良民辜增守正不阿宸濠嗔怪就令  
陳賢帶火信楊子喬已故校尉周孟清葛鎮等統衆前去將辜  
增魏志英家眷二百餘人盡行殺害房屋焚燒一空本年三月內  
有引禮方价因爲逼令鄉民辦納宸濠原放官本稻穀被不  
知名人殺害訖有宸濠見得

朝廷未立東宮要得圖謀

大位密差萬銳同林華等前未饋送錢寧銀三萬兩臧賢一萬兩

謀未將伊今故長男大奇假以上

廟燒香爲名迎取來京彼有錢寧臧賢因受重賂各不合心懷異謀  
行計允先令林華回報隨又詐稱

欽賜將玉帶金箱寶石開裝帶各一條綵段十對付與萬銳齋送

宸濠傳令本府官員穿紅四十餘日專待錢寧傳取本年七  
月內有已故吉安府生員康昭來省城科舉劉養正因恨伊  
時常在入前非笑交結宸濠就寄書與王春并平素枉府  
行走未獲琴士馬効良不合扶同誣捏事情撥置宸濠設  
計令秦榮不合依聽將康昭羅織打死事發囑官塌案不  
行有原任南昌左衛指揮戴宣陞授兩廣守備宸濠怪  
伊見遲禮薄登時打死將伊財產盡行收府及將伊男監

禁五年文賞已故儀賓陸程為妾宸濠因見陳賢行事乖便  
專令邀截上下公文及串同各衙門吏典未獲熊世蕃等獲  
故門子吳漢等各不合依聽抽捺以致百端不法不得

上聞正德十二年有不在官原任本府典寶閔順內官陳宣劉良脫逃  
赴京具奏宸濠不法事件被伊聞知當將已故內官雷龍未到  
辛明李勇馬安拷問招稱承奉周儀主使宸濠怒將周儀  
并家人六十餘人及典仗查武等盡行打死令吉齎本赴京  
擬奏要將閔順等陷死當送臧賢銀一千兩錢寧二千兩張  
雄張銳各一千兩各不合接受拴同將閔順等俱發南京  
孝陵衛充軍訖彼因求討消息又送盧明銀二百兩趙秀秦用各銀  
一百兩亦不合收訖宸濠復與李士實并吉等相議圖謀天

下必須慣戰賊徒當令王春余欽等招蓄已故賊首凌十一閔  
二十四萬賢一萬賢二熊十七在官閔念八熊十四等并手  
下賊徒各三五百人及四外已命遊食強竊盜賊脫死充軍  
徒犯與楊清并未獲原招把勢樂盛等不計其數藏縱  
丁家山等處各不合分夥劫掠新建等縣民人羅慶三等  
家并各處庫藏及各商客船隻財貨送府平分又贖  
幣厚廣西土官軍狼兵并南贛汀漳峒蠻款圖爲應  
差人廣東收買皮張入府造作皮甲招藏四方匠作打造  
鎗刀盔甲及佛郎機銃各樣兵器隨差已故舍人童茂即彭茂  
王親方倬各往河南收買馬匹又差在官監生方儀亦往河  
南省城向李夢陽求討陽春書院詩文伊止作詩二首付方

儀回還聞知宸濠逆謀亦不合不行舉首有餘欽令伊未獲家  
人姚元佐張雲賓不合共謀將帶銀兩前往楊州府招召慣  
熟武藝好漢已故教莫未獲郭昇引見宸濠共給與銀一百  
四十兩各不合縣聽從領受募兵就假以雇借好漢護送貨盤防  
盜爲名教英崔在官金章黃昇尚惠有郭昇崔在官葉鳳  
張貫每人各受雇銀三兩同到儀真地方各訪知係是召募助  
逆隨即懼罪逃散各不合不行赴官舉首宸濠又令奸人暗藏  
於南北直隸山東一帶進京沿途鎮店去處假名買賣專接  
報京中事情待時起事時常邀請李士實劉養正王春各不  
合謀說即今起兵恐四方人心未服必須厚結

進貢茶芽方物金銀玩器等項務得親信不疑及差人打探動靜沿途埋伏健步快馬限以十二日報知一遇有警便好起兵等語當就節差徐紀趙隆盧孔章林華及已故校尉韓江各不合從謀往來京師打听不絕本年十二月內有在官太監畢真前來江西鎮守不合將玉石各色紵紗羅羊酒馬疋進送宸濠結好正德十三年正月內有江西清軍御史范輅因與畢真爭論坐廢及辦朝王服色畢真懷恨不合商同宸濠捏奏范輅提解到京問罪除職本年二月內遇

太皇太后崩逝有少監盧明因素與宸濠交往情厚不合營求齎捧報訃前去

開讀得受宸濠銀三千兩宸濠又令吉輿涂欽黃瑞相送盧明行

至地方吳城置酒相待回還被已故賊首吳十三等將金銀酒器劫去行文撫按拏吳十三等俱怕托投閔念四將原劫酒器送還宸濠就令吳十三等與閔念四等同行打劫先加厚賞安慰圖致其力彼有宸濠飾詐要名求賢講學王都御史因薦伊今故門生湖廣武陵縣舉人李元亨即冀元亨往見意欲用善開導比因議論不合李元亨隨亦回還訖有死節巡撫都御史孫鏊亦因宸濠爲惡日甚逆謀漸露屢行具本刻奏俱被設計邀截訖宸濠常於南昌府縣索討夫馬多派葬祭銀兩節被知府鄭璫阻拒不從致恨在心本年八月內吳十三閔念四閔念八凌十一等打劫新建縣庫銀七千餘兩與宸濠分用又被鄭璫密差快手聶鳳捉獲窩主何順監問間宸濠愈加嗔怒差人將聶鳳捉拿夾打逼供鄭璫無名賊私

又有萬銳表兄伍吟犯該徒罪曾被鄭璫打二十在監病故萬銳  
告知宸濠就將前事捏飾具本誣奏輒將鄭璫拏送按察司監  
禁本年十一等月內有李士實在官男李汝禎女婿方侃萬銳姪徐  
大才萬銳姪萬桂李藁俱以監生給領布政司批文前來國子監  
復班肄業方侃萬銳徐大才李藁各明知宸濠與李士實等又  
謀反逆各不合不行舉首正德十四年正月內宸濠要待暗收人心  
商同李士實王春各不合捏造孝行有畢真亦不合知謀主張  
寫成呈文逼令南昌府縣學官生員耆老人等具呈都布按三  
司轉呈鎮守撫按衙門會奏要求虛吝收信

朝廷隨有畢真改調鎮守浙江宸濠要伊預備人馬前來助逆當將  
銀三千兩金壺一把盤盞四付并器皿茶芽等物送行又將銀三百

兩給賞在官叅隨張浩等各不合知謀接受許允本年四月內宸  
濠因前幹取伊男來京上

廟燒香逆謀久未得遂復謀同未獲門副徐繪假以進貢茶扇爲名不  
依听收帶銀一萬兩金臺盤七付銀臺盤十付到京交與盧孔章  
趙隆轉送臧賢打點彼有在官護衛指揮樂節舍餘福已故賈  
勝俱承差護送徐繪前來彼有在官本府校餘柴忠余瓊各另起  
進茶齋冊在京亦常往來看望各知前謀不合不行舉首本月內  
有徐紀等回府傳報

聖駕將巡山東泰安州等處宸濠陰遣秦榮等於大院內張設勾欄搬  
演雜劇預令李士實等撰寫疏詞差人浙江等處各路粘貼招  
致遊俠光棍誘引四方人心意在扇惑傳聞京師邀請